

Տարոսիկ - Մայիս-Յունիս

Քառասուն օր,
քառասուն գիշեր...

Մէկ, երկու, երեք, չորս, հինգ, վեց, եօթը, ութը, ինը,
համ...

Մէկ, երկու, երեք, չորս, հինգ, վեց, եօթը, ութը, ինը,
բար...

Մէկ, երկու, երեք, չորս, հինգ, վեց, եօթը, ութը, ինը,
ձում...

Ձում, ձում, երեսուն...
երեսունէն քառասուն...
Քառասունը Համբարձում...

Այս գիշեր համբարձում է,
Հեղ հեղ հեղ նիննոյէ...
Աղջիկներուն հարցում է,
Հեղ հեղ հեղ նիննոյէ...

Վիճակ վիճակ,
տեսակ տեսակ,
կարմիր շապիկ,
ոսկի կոճակ,
վարդ մանուշակ...

Վիճակ վիճակ,
դուռն ու ճիճակ,
կարմիր շապիկ,
ոսկի կոճակ...

Եկուր ինձի պագ մը տուր,
հեղ հեղ հեղ նիննոյէ...
Այսօր չըլլայ վաղն ուշ է,
հեղ հեղ հեղ նիննոյէ...

Վիճակ վիճակ, տեսակ տեսակ,
կարմիր շապիկ, կանանչ գօտիկ
ոսկի կոճակ, արծաթ օղակ,
շուշան մեխակ, վարդ մանուշակ...

Տարոսիկ - Մայիս-Յունիս

Ուր կ'երթաս դուն Շուշան,
կ'արգիլեմ, կ'արգիլեմ...
Մանուշակ ժողվել կ'երթամ,
մի արգիլեր, մի արգիլեր...

Մանուշակը հինչ պիտի ընես,
կ'արգիլեմ, կ'արգիլեմ...
Մէկ աղըւորին պիտի տամ,
մի արգիլեր, մի արգիլեր...

Այն աղըւորը ո՞վ է,
կ'արգիլեմ, կ'արգիլեմ...
Այն աղըւորը դ՛ո՛ւն ես, դ՛ո՛ւն ես, դ՛ո՛ւն ես,
մի արգիլեր, մի արգիլեր...
Նուրին նուրին եկեր է,
կարմիր շապիկ հագեր է...
Նուրին նուրին եկեր է,
կանանչ գօտիկ կապեր է...

Նուրին նուրին հինչ կ'ուզէ...

Կթան կովէն իւղ կ'ուզէ,
չալ հաւէն հաւկիթ կ'ուզէ,
երկինքէն ամպեր կ'ուզէ,
ամպերէն անձրեւ կ'ուզէ...

Վարդավաճ... Վարդավաճ...

Պա՛ղ ջուր,
տա՛ք ջուր...
Տա՛ք ջուր,
պա՛ղ ջուր...

Ախ նինար, ճան նինար,
հանիկը նինարէ նինար,
ճանիկը նինարէ նինար...
Քառասուն կուժ,
քառասուն կարաս...

Տարոսիկ - Մայիս-Յունիս

Մեր տան առաջ քառսուն կարաս,
հէլէյ տօն, տօն է եարս...
Ձեր տան յիսու քառսուն կարաս,
հէլէյ տօն, տօն է եարս...

Քառսուն կարսի գինին է խաս,
հէլէյ տօն, տօն է եարս...
Ամեն կարսին պագ մը պիտ տաս...
հէլէյ տօն, տօն է եարս...

Տի՛ տի՛ հարսանիք,
մենք կը խաղանք
տօն տօնիկ...

Տի՛ տի՛ հարսանիք,
մենք կը խաղանք
տո՛նն տո՛նիկ...

Տնակ տունիկ,
հազարաշէն երդիք,
ձեզի մեզի
Տարոսիկ...